



**Eminentissimi Ac Reverendissimi Domini, D. Joannis
Baptistæ, Cardinalis De Luca, Theatrum Veritatis Et
Justitiae, Sive Decisivi Discursus**

Ad Veritatem Editi In Forensibus Controversiis, Canonicis & Civilibus, in
quibus in Urbe Advocatus, pro una partium scripsit, vel Consultus
respondit ; Cum Indicibus Argumentorum, Causarum ac Rerum
luculentissimis. Opus Tam Judicibus, Quam Causarum Patronis, atque
omnibus in utroque Foro ...

Tractatus Primi Pars I. de Usuris, & interesse, Pars II. de Cambiis, Pars III.
de Censibus, Pars IV. de Societatibus Officiorum

**Luca, Giovanni Battista de
Coloniae Agrippinae, 1691**

Disc. XXV. Romana Interfuriorum. An & quando emptori debeantur fructus
recompensativi ad terminos I. curabit pro pretio soluto venditori, qui rem
bonum tradidit.

[urn:nbn:de:hbz:466:1-74112](https://nbn-resolving.de/urn:nbn:de:hbz:466:1-74112)

DISCURSUS XXV.

65

iam destinatae, & altera interesse lucri cessantis, fructuum scilicet, quos ex ipsis bonis percepissent, si adjudicatio per dictam alienationem non impedita, effectum fortita esset; Verum neutram mihi visum est subsistere, non quidem primam, quia non prohibetur debitor, etiam post pignus praetorium, vendere ejus bona, quae exinde non defuncte esse de ejus domino, dummodo non fiat in prajudicium creditorum, quibus cum pretio ad id destinato satisfacere intendat, Bart. in Lubi purè, §. fin. ff. ad Trebell. Mangil. de subbah. quest. 190. apud quem deduta in fine procedunt, ubi deliberatio vel adjudicatio effectum fortita est, & habetur non semel in sua materia, sub tice de empr. & vend. præsertim in una Bononien. ideoque cum haereses suo iure usi sint, vendendo rem suam, nil illictum commiserunt, ob quod ad damnorum refectionem teneri debeant.

Minusque alteram, quia cum adhuc esset res in ambiguo, ob non certificatam conditionem, quod satisfactio sequi potuerit ex domus venditæ pretio, quod prius ad id destinatum erat, neque creditores declarassent, velle ipsam rem præcisè, sequebatur non remanere bene justificatum necessarium requisitum damni emergentis, vel lucri cessantis, quod scilicet dicta venditio fuerit causa præcisa & immediata damni passi, vel lucri amissi, ut necessarium esse, juxta opinionem, quam tenet Rota & Curia, habetur frequenter in præcedentibus; Ideoque, dum isti semper remanerant in terminis puri creditoris pecuniarii, eis imputandum videbatur, cur non sacerint debitas protestationes, aliasque cautelas adhibuerint, ob quas potuerint unum vel alterum interesse pretendere; unde propterea requirentibus consului, quod se concordarent eo meliori modo, quo possent, quia dum remanebant creditores pecuniarii, non poterant ex tali credito pretendere accessiones absque usura, attenta præfertim opinione, in qua resider Romana Curia.

R O M A N A
INTERSURIORUM,
P R O
ANGELO ANDOSILLA,
C U M
VANNIO.

Causa disputationis coram A.C. & concordatus.

An, & quando empotori debeantur fructus recompenasativi ad terminos l. curabit, pro pretio soluto venditori, qui rem non tradidit.

S U M M A R I U M .

1. Facti series.
2. Difficilior l. curabit, siue procedit favore venditoris, ita etiam favore empotoris.
3. Consignatio cedula seu ordinis directi banco, an habeatur vim solutionis.
4. Et causa periculo cedar banchi decoctio.
5. An ad sit differentia inter cedulam & ordinem.
6. Card. de Luca de Usur. & Interess.

6. De fructibus debitibus emptori poss passam evictio-
- nem.
7. Et quid si non est passus evictionem, quam præve-
- nit mediante solutione pecunie, an pro ista
- debeantur fructus compensativi.

D I S C. XX V.

V Endidit Vannius Andosilla quoddam domos suorum majorum fideicommisso subjectas, recepto pretio mediante ordine directo Sac. Monti Pietatis, cum obligatione imperrandi intra certum terminum derogationem Apostolicanam fideicommissum, cui bona vendita subiecta erant. Cumque nulla sequuta traditione dictarum domorum ob denegatum consensum aliorum interesse habentium, impossibilis esset dicta derogatio, ita ut opus fuerit à contractu recedere, atque hoc medio tempore plures decursi essent menses, hinc prætendere coepit Andosilla, pro pretio in dicto ordine contento, sibi debitos esse fructus compensativos ad tam illorum fructum, quo percepisset ex bonis venditis, si contractus incontinenti effectum habuisset ex aequitate textu in l. curabit. Cod. de action. empr., & introducta causa coram A. C.

Pro actore scribens, fundatam dicebam ejus intentionem, quia licet *text. in d. l. curabit*, loquatur favore venditoris contra empotrem retinem-tem rem & pretium, quasi quod rei venditæ dominium translatum sit sub conditione solutionis pretii, qua non impleta, illud effingatur adhuc perseverare in ipso venditore, qui propterea fructus rei sue petere dicatur, tanquam antiqui dominii sequalam & continuationem, quæ ratio non militat in casu conuersio, cum empator nunquam habuerit dominium, quod in rebus corporalibus non queritur sine traditione; Nihilominus magis communiter recepsum est, arque ita passim servat forus, ut eadem aequitas procedat quoque in dicto casu conuerso favore empotoris; Vel ex eadem ratione, ut quoniam non sit, carere re & pretio, Velloco damnorum & interesse ob non impletam traditionem rei venditæ, cum in odium non adimplentis actus habeatur pro gesto, ne morosus, seu alias propria obligationi non satisfaciens, commodum ex delicto reportet, in prajudicium alterius contrahentis innocentis & injuriati ob sibi non servatam fidem. *Narrat. conf. 384. num. 12. Surd. conf. 10. num. 26. Magon. decis. Lucen. 17. num. 31. & 34. Duran. decis. 34. num. 32. Greg. decis. 337. num. 7. ubi Adden. num. 18. Leotar. de usuris, quest. 27. num. 54. & seqq.* qui omnes id firmant, sive pretium solutum esset in toto, sive in parte, cum eadem ratio militet pro parte soluta proportionabiliter.

Scribentes in contrarium, non negabant hujus propositionis veritatem, impugnabant vero applicationem ob non verificatam eam circumstantiam, quod venditor eodem tempore haberet rem & pretium, diuin factio constabat, ipsum nunquam exegisse ordinem à Monte Pietatis, ubi pecunia continuavit ad creditum, & sub nomine ipsius empotoris; Replicabam tamen, quod cum ipse venditor acceptasset dictum ordinem tanquam pro pecunia numerata, quoties in banco adest pecunia mandantis, ita ut absque difficultate solutio incontinenti sequi posset, tunc per talem receptionem dicitur sequita vera & effectiva solutio, arque sibi s' imputet recipiens, cur non exegerit, ut in proximiis terminis cedula bancaria ex theor. Bart. in l. solutum ff. de solus. Greg. d. decis. 337. num. 8. Rovis. decis.

F 3

F 3

decis. 35. num. 8. & decis. 88. num. 6. ubi dicit, id ex omnium traditione verissimum, quoties cedula erat solvibilis, ita ut si fuisset banco consignata, sequitur esset incontinenti solutio.

Et licet adduceretur in contrarium auctoritas *Galeot. lib. 2. contr. 10.* dicobam tamen, de hac auctoritate haberri non debere rationem, cum esset scribentis ad causam, seu pecuniam cum succumbentia, dum contrarium fuit dictum apud *Rovit. d. decis. 35.* ut ipsemet *Galeot* a ingenuo fatetur, id eoque recte adaptabatur id, quod dicit *Franc. decis. 260. num. 5. & 6.* quod ubi allegantur consilia, opus est videre decisiones in eis proditas; Unde propterea banchi periculum recipientis damno cedere, firmatur in dictis decisionibus, ac etiam per *Leotar. de usuris. q. 59. nn. 41.* quia sibi imputet recipiens, cuius negligenter prajudicare non debet mandanti, qui iustè credere potuit, ordinem esse impletum; ideoque non curavit amplius pecuniam, tanquam non suam exigere, alias exacturus.

Et quamvis in materia creationis censuum, ubi pro forma requiritur pecunia numerata, constitui videatur differentia inter ordinem & cedulam, quoniam hoc secundo casu, ubi venditori vel debitor traditur cedula, non potest amplius emperor seu creditor, qui eam tradidit, pecuniam exigere à banco, quod absque cedula restitutione non solvit; secus autem in simplici ordine, cuius exhibitione & effectuatione pendente, liberum est mandanti exigere pecuniam in banco existentem, ideoque satisfactum non dicitur formæ pecuniae numeratae, ut ita distinguendo firmavit aliquando Rota, præsertim in *Licien. censu 18. Maii, 1654. & 17. Maii 1655. Priolo Romana Salviani..... 1666. & 1667. Otolora & sapinius*, ut habetur in sua materia, *sub tit. de Censibus*, in qua distinctione scribentes in contrarium magnum fundamentum faciebant, dum in præsenti agebatur de ordine, non autem de cedula; Nihilominus ad effectum questionis intrare non videbatur dicta ratio differentiae, quoniam cum post traditionem ordinis, emperor non posset: absque delicto (in dubio non præsumendo) illam pecuniam jam alteri sic traditam exigere, regulando voluntatem a potestate, à qua in dubio voluntas metienda est, recte dicere poterat, se credentem ordinem esse impletum, neglexisse exactiorem pecunia, quam alias exegisset, & convertisset in emptiones, quibus destinata erat, illam tamdiu otiosam non retinendo; Unde propterea licet de facto non verificaretur in venditore, quod eodem tempore haberet rem & pretium, Attamen id verificatum dicebatur in ipso empori, qui sic re & pretio caruerat, atque ob fictionem in odium morosi non implenis à lege subintellectam, ut actus habeatur pro facto, recte dici poterat, venditorem habuisse utrumque.

Difficultas tamen considerabilis erat in facto, quod scilicet satis verisimile ex eis circumstantiis videbatur, empori scivisse, quod vendor pendentibus diligenter, pro obtinenda derogatione non usus esset, necuteretur, quinidem, quod nec uti poterat ordine prædicto, ita conditionaliter concepto; Et quod magis est, interim idem emperor, pecunia in dicto banco existente tanquam propria, & ad ejus liberam dispositionem in parte usus erat, plures ordines eidem banco dirigendo, unde propterea vere dici non poterat, caruisse re & pretio, atque ex hoc ab initio istam difficultatem insinuavi eidem principali, qui licet maximus J. C. utpote alias primarius Advocatus, deinde Signatura Justitiae Decanus, attamen proprium.

interesse, ut frequentissimè contingit, intellectus aliquam fascinationem patiendo non acquiescebat, sed agnoscens eamdem difficultatem habeti per Judicem, quamvis satis benevolum, acceptavit talem quemad concordiam, qua mediante, præsens controversia siquem habuit.

In proposito autem hujusmodi fructuum, qui debentur empori carenti re & pretio, non dubiatur, illos deberi post sequutam rei venditæ traditionem, quatenus deinde subsequatur evictio, cum tunc illi abque dubio debeat tanquam dannata & interesse sub evictione cadentia, *Leotar. de usuris. qu. 36. num. 16. & quest. 56. eod. num. Buratt. d. 240. num. 9. & passim.* Sed in una *Tudertina censua pro Cospino*, de qua in sua materia *sub tit. de Censibus*, difficultas fuit, quid ubi evictio verè, & de facto sequuta non est, sed emperor ut eam impeditret, curavit concordiam cum evincente, mediante alicuius summa pecuniarum solutione, an scilicet pro istis pecuniis d. fructus prætendi possent; Et scribentes pro empro in *Rota coram Taja* adducbam in his specialibus terminis auctoritatem *Fab. de Ann. cons. 15. num. 17.* ubi referit decisionem Sac. Consilii empori deferentem fructus seu intersuria ad rationem 5. pro centenario; Et Rota licet formaliter istam propositionem non canonizaverit, neque tamen respuit, sed ex alio fundamento prodit resolutio contra emporiem, dum quæstio non erat cum ipso venditore, sed cum tertio, ut ibi Cogitabam tamen attenta opinione, quam tenet Rota & Curia de non dando interesse ex pecunia, nisi verificatis consuetis requisitis lucri cessantis, vel damni emergentis, posse de hoc dubitari, quia cum verè emperor non caruerit ipsa te, cuius evictionem ita facte ac intellectu litera solùm passus dicuntur, esset in effectu percipere accessiones ex pecunia pro alio soluta non debitas, nisi cum suis interpellationibus, aliisque requisitis, ut habemus de fidejussore pro alio solvente, cum similibus; Neque de dicta decisione Sac. Consilii magnam rationem habendam esse videbatur, dum ibi requieta prædicta reputantur notoria, & habentur probatib; Attamen reservavi maturum judicium, quando præberet novæ disputationis occasio, quam adhuc non habui.



ROMANA PACTI

PRO

CAMILLO DE MAXIMIS,
C U M

MONASTERIO S. TERESIÆ

AD QUATUOR FONTES.

Discursus pro veritate.

An valeat, vel potius usurarium censendum sit placitum, per quod emens rem fructiferam, dilata pretii solutione, sub conventione fructuum recompensativorum, prohibetur ad certum tempus restituere sortem, atque se eximere a dictis fructibus; Et aliqua de fructibus prædiorum urbanorum, quomodo illi calculandi sint, ad effectum regulandi fructus recompensativos pretii.

SUM-